


ԱՂԱԲԵԿ ԴԱԿԹՅԱՆ



ՓՈԽԱՐԻՆՈՂԷ

19 ՀԱՅՈՒՆՏՀՐԱՏ 49



ՓՈԽԱՐԻՆՈՂԸ

ԳԵՂԱՐՈՒԹՅԱՆ

Այս գիրքը պատկանում է
Հր. Վարդ
Համ. մաս
Արևի
Խաչատր
Քաղ. ք.
Հր. Վարդ

Այս գիրքը
պատկանում է
Հր. Վարդ
Համ. մաս
Արևի
Խաչատր
Քաղ. ք.
Հր. Վարդ

Այս գիրքը պատկանում է
Հր. Վարդ
Համ. մաս
Արևի
Խաչատր
Քաղ. ք.
Հր. Վարդ

ՀԱՅԳԵՏԱՐԱՆ

Շաղիկը և գլխագարդը
ԱՇ. ՄԱՄԱԶԱՆՅԱՆԻ

Հ.ԲԱՅԴՅԱՆ

А. ДАВТЯН
СМЕНА

(на армянском языке)

Армгиз, Ереван, 1949

ՀԱՅԿԱՍՏԱՆԻ ՀԱՆՐԱՊԵՏՈՒԹՅԱՆ ԳԼԽԱԳԱՐԴԻ ՄԱՍԻՆ
ՀԱՅԿԱՍՏԱՆԻ ՀԱՆՐԱՊԵՏՈՒԹՅԱՆ ԳԼԽԱԳԱՐԴԻ ՄԱՍԻՆ



ՓՈԽԱՐԻՆՈՂԸ

Այդ առաւիտոտ կարծես եղանակն էլ նպաստում էր Վարսիկի տրամադրութեանը: Այնպե՛ս պայծառ առաւիտոտ էր, այնպե՛ս ուրախ...

Արևի չողքը ներս էր ընկել պատուհանից ու խաղում էր հայելու սուաջ սանրվող Վարսիկի թուխ, փարթամ մազերի, բարակ, նուրբ իրանի ու երկար, սև թարթիչների հետ: Աչքերը եղեգնուտի մեջ թաքնված լճեր էին հիշեցնում, որոնց վերելից բացվել էին երկար հոնքերը, ինչպես թռչող ծիծեռնակի թևեր: Բարակ շրթունքների վրա հավաքվել ու մի փունջ ժպիտ էր դարձել նրա դեմքով մեկ ափոված ուրախությունը, իսկ ծնոտի ծայրին կարծես մեկը մատով զգուշ հպել ու փոսիկ էր թողել: Այդպիսի փոսիկներ առաջանում էին նսեւ նրա աչտերին, երբ ժպտում էր... բայց ե՞րբ էր ժպտում: Նույնիսկ քնած ժամանակ նրա շուրթերի արանքից ցոլում էին մանրաչար, սպիտակ ստամոքները:

Բայց այս առաւիտս Վարսիկն արտաւա՛րդ ուրախ է:

Ձէ՞ որ նա հաջողությամբ տվեց բոլոր քննություններն ու գովասանագրով ավարտեց յաթերորդ դասարանը:

Հեշտ եք կարծում առաջին դասարանից մինչև յոթերորդ դասարան հասնել մի՛շտ դերագանցիկ ու հանկարծ...

Բայց չէ՞ որ դեռևս մանկապարտեզում եղած ժամանակ դաստիարակները հիացմունքով էին խոսում նրա ընդունակությունների մասին: Հաղորդվող երգը, ոտանավորը, հեքիաթը, պարը առաջինը Վարսիկն էր սովորում: Իսկ հետո, երբ տուն էր գալիս, երգում էր, բերանով նվագում, կամ պարում՝ միաժամանակ իրեն դիտելով մեծ հայելու մեջ: Շրբ դրանից էլ հոգնում էր, սկսում էր արտասանել... ու այնքա՛ն լավ էր արտասանում, այնքա՛ն լավ... Այդ էր պատճառը, որ հաճախ մանկապարտեզներում նրան բեմ էին հանում ու հիացմունքով լսում:

Սակայն այդ տարիներին Վարսիկի ամենասիրելի զբաղմունքը տիկնիկն էր: Նա քնեցնում էր նրան, արթնացնում, հագցնում, հետը խոսում, հարցեր տալիս ու տիկնիկի փոխարեն էլ ինքը պատասխանում հարցերին: Ապա նստեցնում էր ծընկանը ու երգելով խաղացնում: Այն, ինչ որ անում էին իր հետ՝ հայրիկն ու մայրիկը, ինքն էլ նույնն անում էր տիկնիկի հետ. հանում էր նրա շորերը, վաճում, հարթուկում ու նորից հագցնում:

Վարսիկի բոլոր հագուստները հայրիկն էր կարում, իսկ ինքը՝ Վարսիկն էլ կարում էր տիկնիկի հագուստները: Նա հայրիկի նման սանտիմետրը

գցում էր վզովը, մի քանի հաս ասեղներ ամրաց-
նում կրծքին, մատնայր դնում էր մատին եւ մըկ-
րատն առնելով սկսում էր «հազուստներ ձևել»
մայրիկի տված շորերի կտորներից։ Եվ նա այդ
անում էր կավիճով կտորների վրա գծիկներ քա-
շելով ու թի տակ որևէ երգ երգելով, անպայման
երգելով, ինչպես հայրիկն էր անում։

Այսպես Վարսիկը դբաղվում էր մինչև հայրի-
կի տուն դալը։ Իսկ նրա տուն դալուց հետո նա
նստում ու նայում էր, թե ինչպես է հայրիկը
սանտիմետրով չափում, կավիճով դծեր քաշում ու
մկրատով կտրտում նախշուն կտորները։ Վարսիկն
այնպե՛ս ամոսոսում էր, այնպե՛ս... Բայց հետո
հայրիկը դրանք միացնում էր և կտրում, պատ-
րաստում գեղեցիկ, գեղեցիկ հազուստներ։ Վար-
սիկն ուշադիր հետևում էր հայրիկի աշխատան-
քին, որպեսզի հետո ինքն էլ նրա նման կտրի ու
հազցնի տիկնիկին։

Այսպես անցան տարիներ։ Վարսիկը մանկա-
պարտեզից անցավ դպրոց ու մինչև յոթերորդ դա-
սարան հասնելը միշտ փոխադրվեց դոկտամանադե-
րով։ Միաժամանակ չղադարեց հայրիկին ընդօրի-
նակել և նույնիսկ արդեն կարողանում էր իր հա-
մար շոր կտրել։

Հայրիկը մի օր դարմանքով նկատեց, որ սոյ-
ջիկը կարգին ձևարար է դարձել։

— Աղջիկս, — իր սովորության համաձայն նրա
դէսի ժապավենի հետ խաղալով ու մազերը համ-
բուրելով կատակեց հայրիկը, — դու, ըստ երե-
վույթին, որոշել ես կտրել իմ հացը։

Ի պատասխան հայրիկի փաղաքշանքի, Վար-
սիկը իր սիրած ձևով երկու ձեռքերով փալվեց
նրան ու այսը գրեց նրա երեսին։

Այդպէս ամեն ինչ լավ ու խաղաղ էր ընթացում, սակայն մինչև յոթերորդ դասարանը: Այ, այս աշնան, երբ դպրոցներում ամփոփում էին ուսման առաջին քառորդի արդյունքները, պարզվեց, որ Վարսիկը «4»-եր էլ ունի:

Այս բանը եւ՛ զարմացրեց, եւ՛ շատ վշտացրեց նրա ծնողներին: Վարսիկն էլ շատ վշտացավ: Նա ինքն էլ չհասկացավ, թե այդ ինչպե՞ս տեղի ունեցավ: Ու նա ամաչում էր հատկապէս հայրիկից, որը միշտ գոհ էր եղել աղջկանից ու այժմ էլ այդ մասին թեև չէր խոսում, բայց Վարսիկն զգում էր, որ դժգոհ է իրենից:

Մի օր արտելից տուն դառնալով հայրն ասաց.

— Վարսիկս, արի սոցմրցման մեջ մտնենք: Ես իմ պլանները կատարեմ կրկնակի չափով, իսկ դու քո բոլոր առարկաները սովորիր միայն «5»-երով:

— Վարսիկն ուրախացավ, որ վերջապէս հայրիկն այդ մասին խոսք բացեց: Նա սուսաց այդ էլ արդեն ինքն իր մեջ որոշել էր «4»-երը վերացնել, միայն նրան ճնշում էր հայրիկի լռությունը: Եվ այժմ հայրիկի առաջարկը լսելով, ձեռքի գիրքը գրեթե նետեց սեղանին ու վեր թռավ, բացազանջելով.

— Հա՞... լա՛վ: Շա՛տ լավ, հայրիկ ջան:

Ապա ձեռքով հարդարեց սև, փարթամ մուգերն ու հորը մոտենալով երկու ձեռքով դրկեց նրա վիզը, երեսը դրեց նրա երեսին ու հարցրեց կոմիկական տոնով.

— Իսկ հաղթողին ի՞նչ տանք:

— Ի՞նչ... Հա՛, ճիշտ ես ասում, — մտքի մեջ ընկած, ասաց հայրիկը: — Այդ էլ որոշենք:

Եվ նա սկսեց մտածել, թե ի՞նչ հարմար բան կարելի է առել:

— Հա՛, — խոսեց նա վճռական տոնով, — եթե

դու հաղթեցիր, քեզ համար մի ընտիր դերիա կկարեմ, իհարկե, ժապավենը հետը, և պիտներաւան համբար կուղարկեմ. իսկ եթե ես հաղթեցի՛... .

Հայրիկը լռեց, մտածեց ու մատների ծայրով աղջկա աչտերը սեղմելով, ասաց.

— Այդ էլ արդեն դու ասա:

— Մա՛, — գլուխը բարձրացրեց Վարսիկն առանց ձեռքերը հոր վզից վերցնելու, — ես ի՞նչ ասեմ:

Մայրը, որ լսում էր նրանց խոսակցութիւնը ու հրճւում, ժպտալով պատասխանեց.

— Դո՞ւ: Դու էլ մի գովասանագիր բերես հայրիկիդ համար:

— Հա՞ — հոնքերը վերեւ քաշելով դեպի հայրը դարձավ Վարսիկը:

— Լա՛վ, համաձայն եմ: Ուրեմն պայմանը՝ պայման է:

— Ո՛չ, ո՛չ, — հայրիկի վիզը թողնելով գրեթե ճշայն Վարսիկը, — պետք է պայմանագիր գրել, ստորագրել:

— Այո՞... Շա՛տ լավ: Գրե՛նք:

Եվ հայրիկը մոտեցավ գրասեղանին պայմանագիր գրելու:

Երբ հայրիկը նստեց ու սկսեց գրել, ներս մտաւ Վաչեն՝ վարպետ Արշակի աշակերտը: Նա երեւի եկել էր տանն աշխատելու, վարպետին օգնելու, ինչպես անում էր հաճախ:

— Բարե՛ ձեզ:

— Բարե՛, համեցե՛ք, Վա՛չե, — խոսեց Վարսիկի մայրն ու ամեյադրեց. — ա՛յ, լավ է, Վաչեն էլ եկավ, թող նա էլ վկա լինի:

Վաչեն անտեղյակ մարդու անորոշ ժպտով նայեց նրանց ու ասաց.

— Ի՞նչը... Ի՞նչ կա, տիկին Սոնա:

— Հա', արի, իսկապես, — միջամանց հայրիկը
գրեւն ընդհատելով:

— Ի՞նչ կա, ուստա: Ինչի՞ մասին եք խոսում:

— Ա՛յ, յսի՛ր, — Վաչեին գաղտնի աչքով անե-
լով խոսեց վարպետ Արչակը, — ես ու Վարսիկը
պայմանագիր ենք կնքում...

Եվ հայրիկը Վաչեին ծանոթացրեց սոցմրցման
պայմանագրին, կարդալով այն:

— Շատ լավ է, — ասաց Վաչեն դեմքին խիստ
լրջություն տալով:

Եվ այդպես, պայմանագիրը կնքվեց:

Այդ աշնանն էր: Դրանից հետո Վարսիկի հայ-
րիկը հաճախ հիշեցնում էր պայմանագրի մասին:
Վաչեն էլ ամեն դալով (իսկ նա գրեթե ամեն երեկո
գալիս էր նրանց տուն) ստուգում էր Վարսիկի
օրագիրը:

— Զէ', ուստա', աղջիկդ տանելու է:

— Զի կարող, — Վարսիկին գրգռելու տոնով
ասում էր հայրիկը՝ ձեռքի սանտիմետրով առաջը
դրած կտորները չափելով, — չի՛ կարող: Դեռ ո՞ւր
են... քննություններ... բան...

— Դե յա՛մ, — սրտանց աջ ձեռքի բռունցքը
ձախ ասիին խփելով ստում էր Վարսիկը, — կտես-
նե՛նք:

Տիկին Սոնան, Վաչեն ու վարպետ Արչակը
գաղտնի հրճվում էին, ապա Վաչեն սկսում էր օգ-
նել վարպետին, ինքն էլ նրա նման մատնաց հաղ-
նելով ու սանտիմետրը վզովը գցած:

— Տեսնո՞ւմ ես, Վարսի՛կ, — ասում էր Վաչեն
աշխատանքը շարունակելով, — հայրիկդ սոցմրցու-
մը չահելու համար տանն էլ է աշխատում:

— Ե՛ս էլ եմ աշխատում, — ողևորված պատաս-
խանում էր Վարսիկը:

Նա դասերը սովորելուց հետո հաճախ մոտե-
նում էր աշխատող հորն ու Վաչեին և դիտում
նրանց աշխատանքը: Նա նայում էր, թե ինչպես
հայրիկը չափում է, կալիճով նշանակում, շարու-
նակ բացատրելով նաև Վաչեին: Հետո մեծ մրկ-
րատով կտրում էին կալիճով քաշած պծերով՝
խրճ, խրճ, խրճ... Վարսիկին թվում էր, թե
իրենց երկրաչափության դասին նկարած մարմին-
ների ձևերն են կտրում հայրիկն ու Վաչեն: Կտրե-
լու ժամանակ նա զարմացած նայում էր Վաչեի
դեմքին, որը մկրատի շարժման տակառվ բաց ու
խուլի էր անում բերանը, կարծես ինչ-որ սմուր
բան կար ատամների տակ:

Վարսիկը վաղուց հրաժարվել էր տիկնիկից,
բայց շորեր ձևելու և կարելու սերը մնացել էր
սրտում անմոռաց: Նա առաջվա նման զբաղվում
էր հայրիկի արհեստով, չնայած դա ծնողների
կամքին հակառակ էր:

— Ուշքն ու միտքը քո արհեստի վրա է,—
Վարսիկից զաղտնի ասում էր տիկին Սոնան ամուս-
նուն:

— Բայց դու տեսնո՞ւմ ես, կարգին վարպետա-
ցել է,— դարմացած ասում էր վարպետ Արշակը:

— Բա՛, — փառասիրությամբ շեշտում էր տի-
կին Սոնան, — Վաչեից լավ է ձևում:

— Ոչի՛նչ, դա էլ վատ դուրժ է, բայց միտ՛յն
ուսումն ավարտելուց հետո թույլ կտամ զբաղվե-
լու դրանով... Մի ձեռքով երկու ձմերուկ չես
բռնի:

Այսպես անցան օրեր, ամիսներ, եկավ ու-
սումնական տարվա վերջը: Եվ ահա, Վարսիկը
տարեվերջի բոլոր քննությունները հանձնեց «Ճ»-
երով:

Երեկոյան, երբ վերջին քննությունը տված, Վարսիկը դիմավորեց արտելից եկող հորը, հայրը նրան հանձնեց խոստացած նոր դերիան ու ասաց.

— Շնորհակալ եմ, Վարսիկս: Տարար: Վաղը միասին գնանք խանութները, ինչ որ պետք է՝ դնենք, որ դնաս ճամբար:

Վարսիկը չիմացավ ինչ ասի: Նա չիկնած փարվեց հոր վզով, համբուրեց նրան ու երեսը դրեց նրա երեսին:

Եվ ահա այժմ, այս պայծառ կիրակի առավոտը, նա ուրախ-ուրախ հագնվում էր, որ հայրիկի հետ գնա խանութները: Նա հագել էր նոր դերիան, և թվում էր, թե ոտքերը գետնին չեն դիպչում... Ու արեն էլ Վարսիկի պես ուրախ խաղում էր նրա հետ:

Վարսիկը սանրվեց, կապեց անբաժանելի կարմիր փողկապը, առանց որի նրան թվում էր, թե հագուստները լրիվ չեն, ապա դլխի ձախ կողմում, փարթամ մազերի մեջ ամրացրեց հայրիկի սիրած սպիտակ թիթեռանման ժապավենը, որը նույնպես նոր էր, հայրիկն էր բերել դերիայի հետ:

Վարսիկն արդեն ամեն ինչ վերջացրել էր, բայց հայրիկը դանդաղում էր: Նա գրասեղանի մոտ նստած ինչ-որ բան էր կարդում:

Վարսիկը հագնված, պատրաստ մոտեցավ հորը ու ձեռքի թուղթը ցույց տալով, հարցրեց.

— Այս ի՞նչ է:

Ճիշտն ասած, Վարսիկին չէր հետաքրքրում, թե ինչ է կարդում հայրիկը: Նա ուղղակի ուզում էր հոր ուշադրությունն իր վրա հրավիրել, որ հայրիկը տեսնի, թե ինչքան լավն է ինքը՝ Վարսիկը: Հայրը նայեց աղջկան վարսետի ստուգոց հայացքով, գննեց դերիան ու ժպտալով ասաց.

— Շնորհավոր: Լավ է նստում:

— Այդ ի՞նչ է, — այժմ արդեն խոսակցության նյութը փոխելու նպատակով իր հարցը կրկնեց Վարսիկը:

— Սա՞... անկետա է:

— Ի՞նչ անկետա:

— Պարտիայի թեկնածու ընդունվելու:

— Վա՛, — ձեռքերն իրար խփելով, իր զվարթ ձայնով կհիչաց Վարսիկը, — նոր է ուզում ընդունվել: Իսկ ես արդեն կոմերիտական եմ:

— Դե, դրա համար էլ հաղթեցիր, — ժպտաց հայրիկը:



Երբ գնումներ կատարած, Վարսիկն ու հայրիկը տուն էին վերադառնում, հրապարակում, ռադիո բարձրախոսի մոտ հավաքված մեծ բազմություն տեսան:

«Կիրակի է, լավ համերգ են լսում», — ենթադրեց Վարսիկը, բայց և անմիջապես զարմանքով նկատեց, որ երաժշտություն չի լսվում, ռադիոն խոսում էր: Հայրիկն ըստ երևույթին նույնպես հետաքրքրված մոտեցավ խմանալու, թե ինչո՞ւ են հավաքվել, ի՞նչ են հաղորդում:

Բայց հենց այդ ժամանակ ռադիոն ընդհատեց խոսելը:

— Տեսա՞ք... յեցի՞ք, ուստա, — դեպի Վարսիկի հայրը դառնալով հուզված հարցրեց կանգնածներին մեկը:

— Ի՞նչը:

— Բա չլսեցի՞ք: Էս գլշեր Գերմանիան հարձակվել է մեր երկրի վրա... պատերազմ...

— Ո՞նց թե, — շշնջաց վարպետ Արչակը:

— Բա՛: Մոյոտովն էր խոսում:

Վարսիկը նկատեց, որ հայրը մռայլվեց... նա

կարծես մոռացա՛վ իրեն՝ Վարսիկին, ու շտապեց դեպի տուն: Վարսիկն աշխատեց չխանդարել նրան ու նրա ետեւից քայլեց դժուշ ու լուռ: Նա գնում էր և մտածում լսածի մասին... «Պատերազմ... Գեղամանիան հարձակւել է... (նա հիշեց քարտեզի վրա Գեղամանիայի տեղը): Հետո ի՞նչ... հարձակւել է... քիթն ու մոուլթը կջարդեն ու ետ կողարկեն...»

Այսպես մտածելով, հայրիկի ետեւից լուռ քայլում էր Վարսիկը. «Բայց ինչո՞ւ մոռցւիկեց հայրիկը...»:

Տուն հասնելուն պես հայրիկը լսածի մասին հայտնեց աչիկին Սոնային:

— Վո՛ւշ, — մղկտաց մայրիկն ու երկու ձեռքերով խփեց ծնկներին, — էս ի՞նչ բան էր:

Հայրիկը շտապեց դուրս:

— Գոնե մի բան ուտեիր, — անվստահ ասաց մայրիկը:

— Չէ', ժամանակ չկա:

Երբ հայրիկը դնաց, աիկին Սոնան նորէջ խփեց ծնկներին ու շէնջաց.

— Քոռանամ ես, էս ի՞նչ դժբախտություն էր, — ու թույացած նստեց աթոռին:

Վարսիկին թվաց, թե մայրիկն էլ մոռացա՛վ իրեն:

— Մա', — իր սիրած կարճ ձևով դիմեց Վարսիկը, — ո՞ւր գնաց հայրիկը:

Մայրիկը ցրված հայացքով նայեց նրան ու շէնջաց.

— Կոմիսարիատ:

— Կոմիսարիատ: Ինչո՞ւ:

— Բա չիմացա՞ր...

— Իմացա: Իսկ հայրիկն ի՞նչ դործ ունի...

— Ո՞նց թե, — կարծես զարմացա՛վ մայրը, —

խիկ քո կարծիքով ո՞վ գործ ունի: Բա թշնամին ո՞ւմ վրա է հարձակվել: Մենք բոլորս էլ գործ ունենք... բոլորս:

Եվ մայրիկը շարունակեց ծնկները ծեծել՝ ինքն իրեն կրկնելով՝ — Բոլորս... բոլորս...

Վարսիկը ավարտեց: Նա գրգռված կարդացել էր պատերազմների մասին, պատմությունից էլ անցել էր, բայց չէր կարծում, թե պատերազմն այդքան սարսափելի բան է:

Ու այսպես խանդարվեց Վարսիկի ճամբար դնելու ծրագիրը: Գնումները մնացին անուշադրության մասնաված: Իսկ հաջորդ օրը հայրիկը նրան համբուրեց ու ասաց.

— Ես գնում եմ, Վարսիկս... Իսկ դու... ի՞նչ ասեմ... դպրոցը չթողնես... լավ սովորիր, լսո՞ւմ ես... կդամ ես...

Վարսիկը լավ նկատեց, որ հայրիկը շատ բան էր ուզում ասել, բայց չկարողացավ, հուզմունքը թույլ չտվեց: Նա նկատեց, որ հայրիկը հազաց՝ հուզմունքը թաքցնելու նպատակով: Եվ այդ էր պատճառը, որ Վարսիկը մի տեսակ անզգայացավ: Նա նույնիսկ չհամբուրեց հայրիկին: Միայն երբ մայրիկն էլ հայրիկի հետ տանից դուրս եկավ, նա աղաատություն տվեց արջունքներին...

Այսպես հայրիկը գնաց...



Առաջին ամիսները Վարսիկն ու մայրիկը հաճախակի նամակներ էին ստանում հայրիկից: Նա գրում էր, որ ամեն ինչ լավ կլինի, որ մենք կհաղթենք, որ թշնամու հաջողությունները ժամանակավոր են: Գրում էր, որ՝ Վարսի'կ, լավ սովորիր,

չուտ—չուտ նամակներ գրիր: Հետո, որոշ ընդմիջումից հետո գրեց, որ՝ վերավոր պառկած է հիվանդանոցում, բայց վերքերը թեթև են, չուտով էլի ճակատ կդնա: Այս նամակը Վարսիկը թաքցրեց մորից: Բայց հենց այդ նամակն էլ եղավ վերջինը:

Անցան ամիսներ, իսկ հայրիկից՝ ո՛չ մի լուր: Նրա թողած անկետան, որ բերել էր պարտիայի անդամության թեկնածու ընդունվելու համար, մնում էր գրասեղանի վրա, առանց լրացնելու: Վարսիկն այն վերցրեց ու հայրիկի մկրատի, սանտիմետրի ու մատնոցի հետ պահեց: «Երևի մի օր կգա, կլրացնի», — մտածեց նա:

Իսկ դպրոցում նա առաջվա նման գերադանցիկ էր: Նույնիսկ է՛լ ավելի լավ էր սովորում: Նրա ականջին շարունակ հնչում էին հայրիկի խոսքերը՝ լավ կսովորես: Արտաքուստ կարծես՝ ո՛չ մի փոփոխություն տեղի չէր ունեցել նրա կյանքում: Էլի՛ նույն Վարսիկն էր, նույն մաքուր, ճաշակով հագնվողը, անբաժան փողկապը վզին ու հայրիկի սերած սպիտակ թիթեռանման ժապավենը մազերի մեջ: Էլի՛ դպրոցում կազմակերպվող միտինգներում ելույթ էր ունենում ու բոլորին հուզում իր շնորհալի արտասանությամբ:

Բայց այդ միայն արտաքուստ էր: Ներքուստ մի մեծ վիշտ կրծում էր նրա սիրտը. «Ի՞նչ եղավ հայրիկը, ինչո՞ւ չի գրում»: Եվ ինչե՞ր չէր անցնում նրա մտքով: Պատկերացնում էր հայրիկին, իր այնքա՞ն լավ հայրիկին, գնդակից խոցված ու ընկած ամայի դաշտում... կամ երևակայում էր նրան վերավոր վիճակում... Ահա նրան մոտենում է մի ֆրից ու...

Եվ Վարսիկի աչքերից զայրույթի արցունքներ էին ցայտում: Այդպիսի բոպեններին նա նախանձում էր իր երկու մտերիմ ընկերուհիներին՝ Անու-

չին ու Նորային, որոնք թե՛ սովորում էին իր հետ, թե՛ կամավոր էին դրվել Կարմիր խաչում ու հաճախ գնում էին հիվանդանոցները՝ վիրավոր մարտիկներին խնամելու։ Կամ, երբ սանիտարական ղեկավար էր կայսրան դալիս, դնում էին, օգնում վիրավորներին տեղափոխելու։ Սյո՛, նա նախանձում էր ընկերուհիներին, որ նրանք օգնում, օժանդակում են հայրենիքին... իսկ ինքը... Նա մեկ ուղեց միանալ նրանց՝ Կարմիր խաչում կամավոր դրվել, մեկ էլ անհարմար զգաց. եթե դրա կարիքը լիներ, ընկերուհիները կհայտնեին իրեն։ Ուրեմն՝ հարկավոր է մի այլ կերպ, մի այլ ձևով ցույց տալ իր օգնությունը։

Վաչեն հաճախ այցելում էր նրանց։ Նա խոսում էր այն մասին, որ իրենց արտելին ռազմական պլան են տվել, բայց վարպետներ չունեն, պլանները թերակատարում են։

— Բա՛, տիկին Սոնա, — ասում էր նա, — բանակին հաղուստ է պետք, իսկ մենք պլանները թերակատարում ենք։ Ուստի իզուր ուղարկեցին, հստեղ ավելի շատ օգուտ կտար։

— Ո՞նց, — հետաքրքրվեց Վարսիկը։

— Էնենց, որ ուստի փոխարեն ով ասես էստեղ կարող էր կռվել, համա էստեղ փոխարինող չունի։

Վարսիկը լսում էր ու մտածում։ «Սյո՛, Վաչեն ճիշտ է ասում, բանակին հաղուստ է պետք։ Ա՛յ, դպրոցում էլ միտինգ արեցին, կոչ արին՝ օգնել բանակին, փոխարինել ղեկավարներին։

Ա.յ, գործելու առիթ... բայց կարո՞ղ եմ...»։

Եվ մի քանի օր Վարսիկը լուռ խորհում էր այդ մասին։ Հետո նա պահած տեղից հանեց հայրիկի մկրատը, սանտիմետրն ու մատնացը, ինքն իրեն երևակայեց արտելում աշխատելիս...

— Մա՛, — վերջապես մի օր սիրտը մոր առաջ

բացեց Վարսիկը,— ի՞նչ կլինի, եթե ես գնամ հայրիկի փոխարեն աշխատելու:

— Դո՛ւ,— մտածկոտ ու զարմացած արտասանեց մայրը:

— Այո՛... Ի՛ս: Կարող եմ չէ՞, մա՛... հիշո՞ւմ ես:

Մայրը շփոթված, անակնկալի՝ եկած, բնադդաբար ուսերը թոթվեց շնչալով:

— Իսկ դպրո՞ցը... չէ՞ որ հայրիկդ ասաց՝ դպրոցը չթողնես:

— Ձեմ թողնի, մայրի՛կ. ես դպրոց գնում եմ ժամը 2-ից... մինչև 2-ը կարող եմ աշխատել...

— Իսկ դասե՞րդ,— կարծես ինքն իրեն բարձրաձայն հաշիվ էր տալիս տիկին Սոնան:

— Դասե՞րս... դասերս երեկոյան կսովորեմ... հը՞, մա՛:

— Ի՞նչ ասեմ, բալա, դո՛ւ դիտես:

Ու մայրիկի աչտերի վրայով սկսեցին գլորվել արցունքները:

Վարսիկը լուռ փաթաթվեց նրան, և մայրը տեսավ, որ աղջկա ուսերը ցնցվում են զսպված հեկեկանքից:



Հաջորդ օրը վաղ առավոտյան Վարսիկը հագավ իր դպրոցական զգեստը՝ փողկապով, սովորական ժապավենն ամրացրեց մազերի մեջ, պալուսահին առավ ու պատրաստվում էր տնից դուրս գալու:

— Ո՞ւր,— հարցրեց մայրը, արդեն կռահելով նրա միտքը:

— Արտել: Դեռ մի գնամ, մայրիկ, տեսնեմ ի՞նչ կա:

Մայրը լուռ թեքվեց, համբուրեց աղջկա մա-
դիւրը, ապա հուզմունքը թաքցնելու համար սկսեց
ղբաղվել դռան դռնի ժապավենով:

Այդ ժապավենը... այո՛, հիշում է արևին Սո-
նան, որ ամուսինն առանց այդ ժապավենի չէր
այտակերացնում աղջկան:

Երբ Վարսիկը մտավ արտելի միջանցքը, իրան
սկսեց անհանդիստ ու արագ բարախել... Նա
մի քանի անգամ հայրիկի հետ եղել էր այնտեղ...
կամ եկել էր, երբ նա աշխատանքի էր եղել...

Իսկ այսօր առաջին անգամ՝ առանց հայրիկի:

Ահա և վարիչի կաբինետը: Վարսիկը դռան
առաջ կանգնած՝ չէր համարձակվում բախել. բայց
ինչ-որ մեկը նույն բալեկն դուրս եկավ վարիչի
մոտից, և երբ դուռը բացվեց, Վարսիկը երևաց
կարծես կաբինետի մեջ, ու երկու քայլ առաջ գնա-
լով կանգ առավ... ասես լուռ էր սեփական սրբ-
աթի անսովոր դարկերը:

Վարիչը հեռախոսով խոսում էր ինչ-որ մեկի
հետ.

— Այո... 900/0-ի... քի՞չ է... Իհարկե, դի-
տեք, չէ՞... չաա լավ, չաա լավ...

Նա հեռախոսը կախեց ու նայեց Վարսիկին:

Նրա դեմքի արտահայտությունից Վարսիկն
զգաց, որ աշխատում է մտաբերել իրեն ու չի կա-
րողանում:

Վարսիկը երկու ձեռքերով պայտուսակի կան-
թից բռնած գլուխը կախեց ու սկսեց ոտքի ծայրով
խաղալ հատակի հետ:

— Դու ո՞ւմն ես ուզում, աղջիկս, — մեղմ ու
սիրալիկ խոսեց վարիչը:

Վարսիկը չիկնած՝ գլուխը բարձրացրեց, նա-
յեց նրա ուսի վրայով ստալից ժպտացող Ստալինին
ու կմկմաց

— Ես վարսեա Արշակի աղջիկն եմ...

— Հա՛... արքա ասում եմ մի տեղ տեսել եմ, — նրա խոսքն ընդհատեց վարիչը ու ձեռքը մեկնեց:

Վարսիկը, որ չէր սպասում նրա ձեռքին, այն մեկնած տեսնելով՝ դրեթե վաղքով մոտեցավ ու սեղմեց վարիչին ձեռքը...

— Նստիր, աղջիկս... Երեւի մայրդ է ուղարկել: Ի՛հ, էնքան ենք խառնվել դործերի ու օլլաններին մեջ, որ բոլորովին մոռացել ենք, — մեղավոր տոնով ասաց վարիչը ու հարցրեց.

— Ասա տեսնեմ, ինչպե՞ս եք:

— Շնորհակալություն...

— Հայրիկիցդ լուր չեկա՞մ...

Վարսիկը լուռ, գլուխը բացասաբար շարժեց, հայացքը միշտ գեպի ցած խոնարհած:

— Դա՛, — երկարացրեց վարիչն ու ասաց, — նո՛ւ... ասա, տեսնեմ, ի՞նչ էր ուզում մայրդ:

— Մայրս ոչինչ չի ուզում:

— Դո՞ւ ես ուզում:

— Այո՛:

— Ասա, տեսնեմ, աղջիկս:

Վարսիկը վարիչի սիրալիք տոնեց սիրտ առած գլուխը բարձրացրեց: Նորից նրա հայացքը հանդիպեց սրտալից ժպտացող Մատինի հայացքին, որը կարծես նրան ասում էր՝ «Ասա՛, ասա՛...»

— Ընկեր վարիչ, — սիրտ առած խոսեց Վարսիկը, — ես եկել եմ աշխատելու:

Վարիչը կարծես լավ չլսեց նրա ասածն ու հարցրեց:

— Դո՞ւ... աշխատելո՞ւ:

— Այո՛... ես իմ հայրիկի օրհնատը գիտեմ... կարող եմ նրան փոխարինել...

Վարիչը ոչինչ չասեց: Նա կարծես մոռացավ

ասելիքը: Վարսիկը լռությունից օգտվելով՝ ավելա-
ցացրեց.

— Փորձեցեք, ընկեր վարիչ...

— Բայց դու սովորում ես չէ՞:

— Ես ժամանակ կունենամ: Ինչքան որ կարող
եմ...

Նրա խոսքն ընդհատեց ներս մտնող մի երկա-
րահասակ մարդ, որի վզով սանտիմետր էր գցած,
իսկ քթի ծայրին դրված էր ակնոցը, ոնց որ Ուս-
տա փխտոյի նկարում...

— Ահա՛, — ասաց նա արագ մոտենալով վարի-
չին:

— Նո՛ւ... Ի՞նչ է ստացվում, — անհամբեր
թեքվեց վարիչը դեպի նրա ցույց տված ձևերը:

— Տեսե՛ք. «կամաց-կամաց»:

Նա խոսելիս վարիչին նայում էր ակնոցների
վերևից, որի պատճառով էլ ստիպված էր գլուխը
չափից ավելի թեքել կրծքին:

— Ախր «կամաց-կամացի» ժամանակ չկա,
վարպե՛տ:

— Ի՞նչ արած... ճար էլ չկա:

— Լա՛վ, — կարծես տխուր ասաց վարիչը:

Երբ ակնոցավոր մարդը բերած ձևերը ձեռքին
չարժվեց դեպի դուրս, վարիչը կանչեց:

— Վարպե՛տ:

Վարպետը կանգ առավ, գլուխը թեքեց կրծ-
քին ու քթին ամրացրած ակնոցի վերևից նայեց
վարիչին:

— Ասյա այս աղջկան էլ փորձիր...

Վարպետն առանց գլխի դիրքը փոխելու իր
հայացքն հառեց Վարսիկին:

— Սրա՞ն, — շեշտեց նա թերահավատությամբ,
ինչպես թվաց Վարսիկին:

— Այո՛, վարպետ Արշակի աղջիկն է... Ասում է՝ հոր արհեստը գիտի:

— Մե՞ր Արշակի:

— Այո՛:

— Հա՛... նման էլ է: Դա արդեն ուրիշ բան է... կարող է պատահել, որ... գնա՛նք, աղջիկս:



Արդեն մեկ տարուց ավելի է, որ Վարսիկն աշխատում է արտելում: Նա դարձել է բոլորի սիրելին՝ իր շնորհքով, օրինակելի աշխատանքով... նա սիրելի դարձավ մանավանդ այն օրից, երբ բոլորն իմացան, որ Վարսիկը միաժամանակ սովորում է գսլրոցում ու գերազանցիկ է:

Աշխատանքի առաջին շաբաթները մի փոքր դժվար էր... բայց հետզհետե ընտելացավ, իսկ այժմ արտելի առաջավոր աշխատողներից մեկն է:

— Պտուղը ծառի տակը կընկնի, — ասում էին արտելականները:

Իսկ Վարսիկը գլուխը կախ, լուռ աշխատում էր: Նա չատ քիչ էր խոսում: Ավելի չատ՝ մտքում դասերն էր կրկնում:

Այ, մի անգամ էլ (Վարսիկն այժմ կարմրելով է հիշում այդ օրը), երբ նոր էր աշխատանքի անցել, մեքենայի տակտի հետ հանձնարարված անգիրն էր կրկնում:

— Սիրտդ որպես մսու տարուչան պահիր վա՛ռ, Որպես դրոշ արնամման, պահիր վա՛ռ...

Հետո անգիրից անցավ աշխարհադրության դասին: Դիմացի պատին մի մեծ քարտեզ կար փակցրած: Նա երբեմն թուռցիկ հայացք գցելով քարտեզին կրկնում էր դասը... և հանկարծ ինչպիսի՜ խայտառակություն, Վարսիկը ճչաց:

— Կտրեցիր՞, — մոտ վազեց աշխատողներից մեկը:

— Ոչինչ, ոչինչ, — ասաց Վարսիկը, կտրած ձեռքը թաքցնելով թևի տակ:

— Ինչպե՞ս թե «ոչինչ»... սկսեք է կապել չէ՞:

Բարեբախտաբար կարվածքը թեթև էր, ու Վարսիկը մի երկու օրից նորից աշխատանքի անցավ:

Դու առաջին օրերն էին: Այժմ բոլորովին այլ է: Նա առաջալուրներից է, իսկ թիթեռանման սպիտակ ժապավենն էլի պահում է մազերի մեջ:

Արտեյականներն զգուշ ահնարելով հասկացրին Վարսիկին, որ նա հրաժարվի այդ թիթեռից, բայց նա մնաց անդրդվելի:

«Ո՛չ, չի հրաժարվի... չէ՞ որ դա հայրիկի ցանկությունն է եղել. ուրեմն Վարսիկը նրա ցանկությամբ էլ կդադարի այդ թիթեռը կրելուց... Հայրիկի՛ ցանկությամբ»:

Այնինչ տարիներն անցնում են, ու հայրիկից ոչ մի լուր չկա: Ռազմաճակատից ուրախալի լուրեր են գալիս... Հաճախ իրենց մոտ, արտելում թռուցիկ հավաքներ են ունենում, ողջունում են մեր բանակի հաջողությունները, նրա հերոսներին ու խոստանում՝ թիկունքի հերոսական աշխատանքով արժանի լինել նրանց:

Իսկ հայրիկից տեղեկություն չկա:

Արտելի վարիչը հաճախ այցելում էր ցեխերը ու միշտ նկատում էր Վարսիկին, խոսում նրա հետ:

— Հը՛, ինչպե՛ս ես, աղջիկս:

— Շնորհակալություն, — կարմրելով պատասխանում էր Վարսիկը:

— Աշխատելդ դասերիդ վրա շատ չի՞ ազդում...

— Ո՛չ, ընկեր վարիչ: Հասցնում եմ:

— Կեցցե՛ս: Եթե դժվարանաս, ինձ հայտնիր:

— Ծնորհակալություն:

Լավ աշխատանքի համար արտելի մի քանի վարպետներ պարգևատրվեցին «Կովկասի . սլաշտպանության համար» մեդալով: Վարսիկը շատ զարմացավ, ապա ամաչեց, երբ իրեն էլ մեդալ հանձնեցին:

— Ախր՝ ինչո՞ւ ինձ... ես ի՞նչ եմ արել, որ...

Այս մասին դպրոցումն էլ իմացան, նկարը փակցրին սլատի թերթում, գովեցին:

Իսկ հայրիկը չկա:

Երբեմն նա այնպե՛ս էր կարոտում հայրիկին, այնպե՛ս էր ուզում մոտը լինել, իր սիրած ձեռով փարվել նրա վզուին ու այտը դնել նրա երեսին... Այդպիսի րոպեներին նա ինքնամոռացության մեջ, արտենդելով, դիմում էր մորը.

— Մա՛, ինչո՞ւ հայրիկից տեղեկություն չկա:

Նրա հարցն ավելի էր հուզում առանց այն էլ թախծոտ մայրիկին...

Այդ դեպքով՝ Վարսիկը զղջում էր իր հարցի համար ու մոտենալով մորը, փարվում էր նրան, համբուրում ու չչնջում ականջին.

— Կգա՛, մա՛, կգա՛...

Բայց ահա մի օր Վարսիկին կանչեցին դին-
Ամիրսարիատ ու մի թուղթ հանձնեցին:

— Հայրդ, աղջիկս, հերոսաբար ընկավ հայրենիքի սլաշտպանության դիրքերում...

Վարսիկի աչքերը մթնեցին... նա չկարողա-

ցալ ճչալ... պէտք, որ շենքը գլխին սլտալում է ու իրեն հաղիվ դցեց մոտիկ աթոռի վրա...

Նրա աչքերից թափվող հորդահոս արցունքները մեղմեցին սրտի կրակը... քիչ հետո նա վեր կացալ տեղից... ու երբ գինկոմխարխատից դուրս էր դալիս, ձեռքը տարաւ ու հանեց մագերի մեջ ամրացված ժապավենը... իսկ երբ մոտեցավ տանը, հանկարծ հիշեց մօրը: Նա հենվեց պատին, սրբեց արցունքները ու ինքն իրեն հաշիւ տվեց. «Մայրիկը չի դիմանա... չպետք է ասել»: Նա կոմխարխատում ստացած թուղթը փաթաթեց բռի մեջ սեղմած ժապավենով ու աշխատեց որքան հնարավոր է անտարբեր ձևանալ:

Մայրը ոչինչ չնկատեց:

Վարսիկը դադանիքը հայտնեց միայն իր երկու մտերիմ ընկերուհիներին՝ Անուշին ու Նորային, մեկ էլ արտելի վարիչին:

— Վա՛րս, Վարսիկ ջան, ի՛նչ վատ բան է եղել, — շնչաց Նորան:

Անուշը ոչինչ չասաց. լուռ գրկեց ընկերուհու ուսը:

— Միայն, աղջիկնե՛ր, մայրս չպետք է իմանա... գիտեք, սիրտը վատ է:

Իսկ արտելի վարիչը լուրն իմանալով, ծանր հառաչեց.

— Ափսո՛ս, չա՛տ ափսոս... վա՛յ, Արշակ ջան...

Ու Վարսիկը նկատեց, որ վարիչի աչքերը թացացան:

— Խնդրում եմ այս մասին ոչ ոք չիմանա, կարող է մօրս ակտնջը հասնել և...

Վարսիկի ձայնը խզվեց:

Արտելականները ոչինչ նկատել չէին կարող: Նրանք միայն դարմացան, երբ Վարսիկին տեսան

առանց ժապաւենի... Իսկ մայրիկն առաջին ան-
գամ աղջկանը տեսնելով առանց ժապաւենի՝ և՛
զարմացաւ, և՛ վշտացաւ: Նա կուղեր, որ Վարսի-
կը շարունակ կրեր այն... Սակայն տիկին Սոնան
չուզեց դատեր զգացմունքների մեջ մտնել... «Երե-
վի մեծացել է, անհարմար է զգում», — ենթադրեց
նա:

Եվ իրոք, ժապաւենը հանելուց հետո Վարսիկը
կարծես մի տեսակ փոխվել էր, մոռցվել ու հա-
սունացել:

Մի երեկո, երբ Վարսիկն ինչ-որ դիրք էր
փնտրում, նրա ձեռքն ընկաւ հոր թողած անկե-
տան: Վարսիկը վերցրեց այն ու նորից հուզվեց...
Ինչո՞ւ ինքը պահեց այդ անկետան... Ի՞նչ հույ-
սով...

Ապա կարգաց անկետայում առաջարկված
հարցերը...

Երկրորդ օրը նա նորից վերցրեց այդ անկե-
տան, նորից կարգաց ու մտածեց.

«Զլրացնե՞մ»:

Եվ մի քանի օր, ամեն երեկո կարդում էր
անկետայի հարցերը:

Մի անգամ, արտելում, ընդմիջման ժամին
Վարսիկը մոտեցաւ պարտկազմակերպության քար-
տուղարին:

— Ընկեր Սիրոս:

Քարտուղարը նախաճաշը ընդհատելով դար-
ձաւ դեպի նա.

— Ի՞նչ կա, Վարսիկ ջան:

— Ինչո՞ւ ինձ անկետա չեք տալիս:

Քարտուղարը կարծես գլուտ արաւ: Նրա աչ-
քերը մեծացան ու շտապ հարցրեց:

— Ինչո՞ւ... դու քանի՞ տարեկան ես:

— Տասնութ:

— Ճի՞շտ, էդ ի՞նչ լավ է: Դե, արի... Բա ինչո՞ւ չես ասել:

Վարսիկն ամոթխած ժպտալով նրան մեկնեց լրացրած անկետան:

— Էս ո՞րտեղից:

— Հայրիկս էր բերել:

— Հայրի՞կդ... Ա՛... ուրեմն դու բոլոր հարցերում փոխարինո՞ւմ ես նրան, — կես կտտակալ խոսեց քարտուղարն ու հարցրեց.

— Ուղքե՞ր են երաշխավորներդ:

— Չունեմ:

— Լավ, ոչ ի՞նչ: Դու կոմերիտական ես... ռայկոմը՝ մե՛կ: Մեկն էլ ես կտամ, մեկն էլ... հեշտ է: Ո՞վ չի երաշխավորի քեզ:



Ռազմաճակատից եկող լուրերն ամենքի հետ ուրախացնում էին նաև Վարսիկին: Բայց նրա ուրախության մեջ միշտ մի թախիժ կար, ինչպես ուրախ օրվա պայծառ երկնքում մութ ամպի մի կտոր... դա հայրիկի մահվան լուրն էր: Վարսիկն աշխատում էր ինքն իրեն մխիթարել նրանով, որ հայրը չառերից մեկն է, հերոսներից... Որ նա՝ իր հայրը, զոհվեց հայրենիքի համար: «Չէ՞ որ մարդ մի անգամ է մեռնում, — մտածում էր Վարսիկը, — հայրիկը հերոսական մահով դնաց»: Ուրեմն ինչո՞ւ ակորեւ, ինչո՞ւ չպարծենալ, որ նա դիտակցական մահով անմահացրեց իրեն՝ ինչպես զրքում կարդացել է մի մեծանուն մարդու խոսքեր:

Բայց հանկարծ Վարսիկի առաջ կանգնում էր մոր կերպարանքը՝ հայրիկին սպասող մոր: Այո՛, նա դեռ սպասում է, նա դեռ ոչինչ չգիտե... և չի էլ իմանա: Վարսիկը նրան երբե՛ք, երբե՛ք չի

հայտնի: Եւ մայրիկը կմնա մի'շտ հայրիկին սպասելով:

Վարսիկին տանջում էր հատկապես այն, որ մայրիկը երբեք հույսը չէր կտրում: Նա շարունակ հայրիկի դալու մասին էր խոսում: Իսկ մի օր, երբ Վարսիկը դասից տուն եկավ, մորը գտավ արտա-կարգ ուրախության մեջ: Նրա ամենօրյա թախ-ծոտ դեմքը պայծառացել էր և, թվում էր, թե նրա տրամադրության վրա իշխող ձմեռը տեղի է տվել պայծառ, կենսուրախ դարձան:

— Վարսիկ ջան, — դիմավորեց նրան մայրը, — հայրիկիցդ տեղեկություն եմ ստացել:

— Ո՞նց թե, — անակնկալի եկած շշնջաց Վար-սիկը, և նույնիսկ պայուսական ընկավ ձեռքից:

— Բա՛... մի մարդ է ֆրոնտից գրել: Հորդ հետ միենույն հիվանդանոցումն է պառկած եղել:

— Իսկ քեզ ո՞վ ասաց, — հարցրեց Վարսիկն ու ծնկների մեջ թուլություն գգալով՝ նստեց աթոռին:

— Նամակ գրող մարդու կինն ասաց... Էսօր չուկայից դալիս էդ կինը էստեղ՝ մեր դռանը սլա-տահեց ու հարցրեց մեր տունը... սիրտս վեր թռավ: Ասի՛ կա՛, չկա՛, հայրիկիցդ տեղեկություն կա... ու խկատվես...

Նա այնքա՛ն ուրախ էր, որ չէր նկատում, թե աղջիկն ինչ ասրումների մեջ է: Միայն տեսնելով, որ նա իր ուրախությանը չի արձագանքում, շշն-ջաց.

— Վարսիկ ջա՛ն:

Աղջիկը լուռ ու թախծոտ նայեց մորը:

— Հիվանդ հո չե՞ս:

— Ոչի՛նչ... դլուխս է ցալում... կանցնի...

— Վա՛յ, քոռանամ ես: Ուրախացել եմ ու ինձ կորցրել:

Այս ասելով նա սկսեց սեղան պատրաստել, որ աղջիկը ճաշի:

— Մա':

Այժմ մայրը լուռ նայեց աղջկան, բայց ուրախ ժպտաց:

— Դու այդ կնոջ հասցեն վերցւիր:

— Չէ':

— Ինչո՞ւ:

— Չգիտեմ, ճիշտն ասած, էնքան շփոթվեցի, որ զնալուց հետո էդ մասին մտածեցի...

— Իսկ չասա՞ց՝ նամակը երբ է գրված:

— Չէ', չասաց:

Վարսիկը գլուխը ավերի մեջ առավ ու լռեց:

— Ինչի՞, մեկ չի՞, Վարսիկ ջան:

— Մեկը՝ մեկ է... բայց եթե այդպես է, ինչո՞ւ հայրիկը նամակ չի գրում:

— Հը՞, — մտածկոտ շշնջաց մայրը, — դե, ի՞նչ կա որ... քիչ կա՞ն, որ չեն գրում:

«Հայրիկը կգրեր, ինչպես գրեց առաջին վերավորվելուց հետո», — մտքում ասաց Վարսիկն ու այլևս չխոսեց: Նա ճաշում էր ու մտածում, ենթադրություններ անում: Եվ եկավ այն եզրակացության, որ այդ կնոջ ասածը հին բան է, վերաբերում է հայրիկի առաջին վերավորվելուն:

Եթե հայրիկը ողջ լիներ, անպայման կգրեր: Նա, իհարկե, այս մտքերը թաքցրեց մորից: Բայց ուրախալի էր, որ մայրը հուսադրվեց ու անհամբեր սպասում էր ամուսնու վերադարձին: «Եվ այսպես սպասելով էլ աչքը ճամփին կմնա», — մտածում էր Վարսիկը:

Իսկ ժամանակն անտարբեր սահում էր առաջ:

Ու այնուհետև, երբ իրենց գուռը ծեծող էր լինում, մոր սիրտը վեր-վեր էր թռչում:

— Աղջիկս, — ասում էր նախագած ձայնով, —
տես, հո հայրիկդ չի՞...

Վարսիկն արդեն սլարտիայի անդամության
թեկնածու էր ընդունվել: Մնում էր տոմսն ստա-
նալը: Այժմ մեկ ամսով արձակուրդ են տվել ար-
տելից, որպեսզի սլատրաստվի, հաջողությամբ
հանձնի հասունության ատեստատի քննություն-
ները:

Դպրոցի դիրեկտորը շահագրգռված է, որ
Վարսիկը մեղալով ավարտի... Ու Վարսիկն էլ
սլայքարում է դրա համար: Հենց այդ օրերին
կանչեցին ռայկոմ, հանձնեցին թեկնածուական
տոմսը և ավելի ոգևորեցին նրան:

Որքա՞ն առիթներ կան ուրախանալու...

Մի քանի օր հետո սլարդվեց, որ Վարսիկը
դպրոցն էլ ավարտում է մեղալով... բայց արժա-
թե մեղալով... «Ի՞նչ կա որ... թող հայրիկը
դար, թեկուղ հենց առանց մեղալի ավարտելի»:
Բայց նա ուրախ էր, որ հայրիկի կամքը կատար-
վեց՝ ինքն ավարտեց միջնակարգ դպրոցը:

Վարսիկի հասունության ատեստատը և մեղա-
լը հանձնեցին հատուկ հանդիսավորությամբ: Երբ
դրանք ստացած տուն եկա՛վ, այլևս չկարողացա՛վ
զսպել իրեն: Նա գլուխը դրեց ատեստատի վրա ու
լացեց՝ երկա՛ր ու երկար... Մայրը չէր կարող
հասկանալ նրա լացի բուն պատճառը: Նա բնա-
կան էր համարում աղջկա լացը. դպրոցն ավարտել
է, հիշում է հորը:

Նա նստեց աղջկա մոտ ու նրա մազերը շոյե-
լով, սկսեց մխիթարել:

— Լա՛վ, Վարսիկ ջան... էսօր դու պետք է
ուրախ լինես... չէ՞ որ շնորհքով կատարեցիր

հայրիկիդ խնդիրը՝ ամարտեցիր դպրոցը, էն էլ մեզալով: Կգա հայրիկդ, կիմանա, կուրախանա...

Այս խոսքերն ասելու ժամանակ մոր աչքերից էլ էին արցունքներ դլորվում:

Դուռը բախեցին:

Մոր սիրտն էլի վեր թռավ. «Չլինի՞ թե...» ու նա շտապով մոտեցավ դռանը: Վարսիկի ընկերուհիներն էին՝ Նորան, Անուշը և մի քանի ուրիշները: Նրանք եկել էին շնորհավորելու իրենց ընկերուհուն: Նրանք իրենց հետ ծիծաղ, ուրախություն բերին ու լյրին սենյակը: Սկսեցին ուրախանալ, կատակել, նվագել, երգել, արտասանել:

Վարսիկն աշխատում էր ուրախ լինել և այդ նրան հաջողվում էր: Նա շատ էր սիրում երգել, բայց երգելու համար ձայն չուներ: Խնդրեց ընկերուհիներին երգել, իսկ ինքը դրա փոխարեն իր սիրած բանաստեղծություններն էր արտասանում և արտասանում էր այնպիսի՝ զգացմունքով: Ընկերների խնդրանքով նա արտասանեց իր սիրած պոետի ստեղծագործություններից մի յուրաքանչյուրի մանրամաս, որ ինքն էր հորինել:

«Նս լաց չեղա...»

Ա՛խ, քնարականներ՝

Կարծում եք, թե չունե՞մ ես արտասուք»:

Այս հանկարծ տոնը փոխելով, գլուխն ավելի վեր բարձրացրեց ու հայացքը դեպի անորոշություն դարձրած, գոչեց.

«Գերմանացին իր որսը խորովել դեռ չգիտե՛ր, Մենք աստվածներ էինք ձուլում»

Ու վայելում գինի»...

Հետո բռնեցքը սեղանի անկյունին խփելով, շարունակեց, կարծես ինքնամոռացության մեջ.

«Կուլեցեք այնպես, որ սողավարար Վարդանի դեմքով չտաք, որ տմպ չառնի իր ծեր գլխին Մա-

սիսն՝ ամոթապարտ... Իսկ մինչ այդ, սիրտ իմ,
ստանձիր քո ծովն այեկոծ...», ու լռեց:

Ընկերները հիացած ծափահարեցին:

— Կեցցե՛ս, Վարսիկ ջան... ինչ լա՛վ ես
ասում:

— Հիանալի՛ է...

Վարսիկը թախծոտ ու ամոթխած ժպիտով
նայում էր նրանց ու գլխով շնորհակալություն
հայտնում...

Ընկերուհիները բավական երկար մնացին:
Նրանք տիկին Սոնայի պատրաստած համեստ սե-
ղանի շուրջը նստած խոսեցին իրենց ասպազայի մա-
սին, թե ով ի՞նչ բարձրագույն դպրոց է դնա-
լու... Այնուհետև խոսեցին պատերազմի մասին,
լսեցին Սովետական ինֆորմբյուրոյի հաղորդա-
դրությունը, ուրախացան. ասլա դարձան դպրո-
ցական կյանքին... խոսեցին իրենց տասը տարվա
ընկերության մասին, դասատուների մասին...

Նրանք այդպես նստած, հիշեցնում էին գար-
նան ծառի վրա ճռվողող թռչունների մի աղմկալի
խումբ:

Արդեն բավական ուշ էր, երբ ընկերները հե-
ռացան:

Տիկին Սոնան շատ ուրախ էր, որ աղջիկները
եկան և Վարսիկին հանեցին իր թախծոտ տրամա-
դրությունից: Աղջիկների գնալուց հետո նա ան-
կողին պատրաստեց և սրառեցին քնելու:

Պառկեցին, սակայն ոչ մեկը քնել չկարողա-
ցավ... Վարսիկի աչքին քունը մոտ չեկավ, իսկ
տիկին Սոնան լուռ, առանց խոսելու, մթության
մեջ զգում էր աղջկա արթուն լինելը և ինքն էլ
չէր կարողանում քնել... Նա չէր ուզում, որ Վար-
սիկն իմանար, թե ինքն արթուն է: Սակայն Վար-
սիկն էլ զգում էր մոտ արթուն լինելն ու աշխա-

սոււմ էր, որ մայրն այդ չիմանա, ու քնած էր ձե-
վանում...

Դրսից դուռը ծեծեցին:

Ո՞վ կարող է լինել, երբ փողոցում այդ ուշ
ժամին երթեկեկէն արգելւած է: Տիկին Սոնան
գլուխը լուռ բարձրացրեց.

— Սոնա՞, — լսվեց դրսից...

Վարսիկի մարմնով սարսուռ անցավ: Ճիշտ
այդ ձևով հայրիկն էր դուռը բախում ու ձայն
տալիս:

Տիկին Սոնան լույսը վառեց: Դուռը երկրորդ
անգամ բախեցին: Վարսիկն արագ վեր թռավ տե-
ղից, ձեռքն ընկած շորը շտապ գլուխը դրեց և
թեքերն արագ անցկացրեց... Այդ միայն վայրկյան-
ներ տեւեց, իսկ տիկին Սոնան հետեւեց նրա օրինա-
կին, ու երբ գլուխը շորի մեջ էր հագցրել, դուռը
երրորդ անգամ ծեծեցին ու լսվեց.

— Սո՛նա...

— Հորդ ձայնն է, — առանց թեքերը հագնելու,
չչնջաց մայրն ու քայլեց դեպի դուռը:

— Ո՛չ, — ճշաց Վարսիկը: Սպասի՛ր, նա չի: —
«Գուցե երազի մեջ եմ», — մտածեց Վարսիկն ու ա-
մուր կամթեց իրեն...: «Ձէ՛, երազ չի՛...»

— Մա՛, — կարծես իրեն կորցրած ճշաց Վար-
սիկը, — ա՛խր... չի՛ կարող պատահել... ա՛խր...

— Վարսիկ ջան, ե՛ս եմ, ե՛ս... դուռը բաց, —
լսվեց վաղուց չլսված, այնքա՛ն ծանոթ ու սիրե-
լի ձայնը:

Վարսիկը խելահեղ վազեց դեպի դուռը, ճամ-
փին աղմուկով ցած դրելով աթոռը ու երբ այն
բացեց, իր առաջ լուսնյակի լույսով տեսավ գին-
՝իորական հագուստով մի տղամարդու, որը ժպտ-
տում էր մտերիմ, հարազա՛տ ժպիտով: Վարսի-
կին այդ ամենը պատրանք թվաց:

— Հայրի՞կ, — շնչաց նա թերահավատությամբ ու ետ քաշվեց:

Երբ գինվորականը մտավ տուն, Վարսիկը փորձեց ճշալ, բայց չհասկացավ՝ ի՞նչ կատարվեց իր հետ: Ընկավ հոր գիրկն ու իր սիրած ձեռով բազուկները փաթաթեց նրա վզով, բայց սրովհետեւ հայրիկը կանչնած էր, երեսը երեսին չհասավ: Նա սկսեց հեկեկալ: Հայրը գրկեց նրա մեջքը ու շրթունքները դրեց աղջկա փարթամ մազերին:

Վարսիկը հեկեկում էր, երեսը սեղմած հոր կրծքին, որի վրայի մեղալիներն ու շքանշաններն իրենց սառնությունով շոյում էին Վարսիկի գեմքը: Նա ուզում էր, որ հայրիկն իրեն պինդ գրկի, ամուր, շատ ամուր սղմի կրծքին... Այնինչ հայրիկը միայն մեկ ձեռքով էր գրկել Վարսիկին:

Աղջիկը գլուխը ետ քաշեց ու տեսավ, որ հոր բլուզի աջ թևը դատարկ դրված է գոտու սակ...



Հաջորդ երեկոյան վարպետ Արչակի տունն ասեղ գցելու տեղ չկար: Եկել էին բոլոր բարեկամները, ծանոթները, Վարսիկի աշխատանքի եւ ուսման ընկերները և նույնիսկ դասատուներին մի քանիսը:

Ծիծաղ, երգ, կատակ, ուրախություն խառնրվել էին իրար: Խմում էին հաղթողների կենացը, մեծարում էին զոհվածների հիշատակը, նշում էին թիկունքի լավ աշխատանքը:

Երբ հերթը հասավ Վարսիկի կենացին, խոսել ցանկացողները թիվն ավելի մեծացավ: Առաջինը խոսեց արտելի վարիչը, ապա դպրոցի գիրեկտորը,

հետո ընկերները, ընկերուհիները... Ամենքը նշում էին նրա օրինակելի աշխատանքը... Իսկ Վարսիկն ամոթից չիկնած դուրսը թաքցրել էր մոտը նրանից ընկերուհու թիկունքում: Նրա էրծքին չողում էր «Կովկասի պաշտպանության համար» մեղալը:

— Մի խոսքով փոխարինող, — ժպտալով ամփոփեց վարպետ Արշակն ու աղջկան դռն ուղիղ, ասաց.

— Ես քեզ միշտ պատկերացրել եմ այնպես, ինչպես հիմա նկարագրում են: Դու նույն Վարսիկնես, նույն լավ աղջիկը... Միայն մեծացել ես ու հրաժարվել սպիտակ թիթեռ ժապավենից:

— Ձե', հայրիկ, ես...

Այս խոսքը կիսատ թողնելով Վարսիկը ելավ տեղից, գնաց, գտավ թիթեռ ժապավենը, հանեց նրա մեջ փաթաթած թուղթը, ապա ժանյավենը նորից մազերի մեջ ամրացնելով մոսեցավ սեղանին ու ասաց.

— Սիրելի բարեկամներ, ուսուցիչներ, աշխատանքի և ուսման ընկերներ: Ձեզ հայտնի չէ, թե ես ինչու դադարեցի այս ժապավենը կրելուց: Ես սա հանեցի այն օրից, երբ ստացա սհա այս թուղթը...

— Այ թե ինչ, — զարմացավ վարպետ Արշակը, կարծես ինքն իրեն մտաբերելով, թե ինչ է տեղի ունեցել: — Նշանակում է, երբ ես վիրավորվել և ուրիշ զորամաս եմ ընկել, ինձ սպանված են համարել:

— Այժմ ես այս ժապավենը նորից կկրեմ և նրանից կհրաժարվեմ միայն հայրիկի ցանկությամբ, — ամարտեց Վարսիկը:

Նա նայեց շուրջը, նայեց ուրախ ժպտացող

մորը, ընկերներին... Կարծես ոչինչ չէր փոխվել:
Միայն հայրիկի բլուզի դատարկ թևը և հոր ու
աղջկա կրծքներին շողացող մեդալներն ու շքանշան-
ներն էին հիշեցնում, որ նրանց գլխով անցել էր մի
հերոսական պատմություն:

1918 թ.



Խմբագիր՝ Ա.Մ. ԹԱՄԱԶՅԱՆ
Տեխ. խմբագիր՝ Մ. ՄԱՐՏԻՐՈՍՅԱՆ
Կոնսուլով սրբագրել է՝ Ս. ԲԱԲԱՅԱՆ

ՎՖ 02023. պատվեր 158. տիրաժ 4000:
Տպագր. 2 մամուլ. հեղին. 1.5 մամուլ:
Հանձնված է արտատպում. 12/IV 49 թ.:
Ստորագրված է տպագր. 20/V 49 թ.:

Հայտնի դրամատիկական. Վարչություն
Մ Տ տպարան, Ալաշկերտյան
№ 65, Երևան, 1949 թ.:

178. The first of the three papers is a list of the names of the persons who have been admitted to the office of the Secretary of the Board of Education since the year 1850. The second paper is a list of the names of the persons who have been admitted to the office of the Secretary of the Board of Education since the year 1850. The third paper is a list of the names of the persons who have been admitted to the office of the Secretary of the Board of Education since the year 1850.

178.

178. The first of the three papers is a list of the names of the persons who have been admitted to the office of the Secretary of the Board of Education since the year 1850. The second paper is a list of the names of the persons who have been admitted to the office of the Secretary of the Board of Education since the year 1850. The third paper is a list of the names of the persons who have been admitted to the office of the Secretary of the Board of Education since the year 1850.

178. The first of the three papers is a list of the names of the persons who have been admitted to the office of the Secretary of the Board of Education since the year 1850. The second paper is a list of the names of the persons who have been admitted to the office of the Secretary of the Board of Education since the year 1850. The third paper is a list of the names of the persons who have been admitted to the office of the Secretary of the Board of Education since the year 1850.



